

# Vaajlugkub rua Mivnyuas Yau

## Nthuav Tawm

Thawj lub  
Koomtsheej  
Yexus Sawv



Tug Sau yog: Edward Hughes

Tug Kus Dluab yog: Janie Forest  
Alastair Paterson

Tug Hloov yog: Lyn Doerksen

Tug Txhais yog: Andy Yang

Tug Tsim yog: Bible for Children  
[www.M1914.org](http://www.M1914.org)

©2020 Bible for Children, Inc.

Ntawv Tso Cai: Koj muaj cai muab zaaj nuav kaij lossis luam,  
tsuav yog koj tsi xob muab muag xwb.



Tug quaspuj sawv ntawm ib ntaa  
roob kws ntshu ntshu, nwg  
lub qhovmuag saib moog  
rua ib qhov kws rhab  
qhovmuag heev.

Nwg tug Tub raug  
luas muab tua.

Leej nam nuav  
yog Malis, hab  
nwg nreg ze qhov  
chaw kws luas  
muab Yexus  
ntsa rua sau  
ib tug ntoo  
khaublig.





Tej xwmtxheej nuav  
tshwmsim le caag lug?

Yog le caag Yexus lub neej  
kws zoo kawg nkaus yuav  
moog xaus phem  
ua luaj le?

Yog le caag  
Vaajtswv

tseem kaam luas  
muab Nwg tug Tub ntsa  
rua sau ib tug ntoo khaublig  
hab ca Nwg tuag rua sau?

Puas yog Yexus xaav yuamkev  
has tas Nwg yog Leejtwg? Puas  
yog Vaajtswv swb lawm?






Tsi yog! Vaajtswv tsi swb le. Yexus tsi tau xaav yuamkev. Yexus yeej paub uantej lawm has tas cov tuabneeg phem yuav muab Nwg tua. Thaum Yexus tseem yog ib tug mivnyuas mog xwb, muaj ib tug txivneej laug laug hu ua Ximoos twb qha rua Malis has tas yuav muaj kev ntxhuvsab nyob tom hauvnej.



Ob peb  
nub uantej  
kws Yexus  
yuav raug muab  
tua, ib tug quaspuj  
coj ib cov tshuaj tsw  
qaab lug laub rua Nwg  
kuataw. "Nwg phumlaam  
nyaj ua luaj le," cov  
thwjtim ywg. "Nwg  
ua tau ib teg dlejnum  
zoo," Yexus teb puab.  
"Nwg ua npaaj rua nub  
kws coj kuv moog log." Cov  
lug nuav txawv ua luaj lej!



Tomqaa nuav, Yudas, ib tug  
ntawm Yexus kaub-ob tug  
thwjtum, pum zoo ntxeev  
sab rua Yexus nrug tug  
povthawj hlub rua  
30 npib nyaj.






Lub sijhawm cov Yudas ua  
koomtsheej Kevcai Hlaa Dlhau,  
Yexus nrug Nwg cov thwjtum noj  
mov zag kawg. Nwg qha rua puab  
ntau yaam zoo heev txug Vaajtsvv  
hab Nwg tej lug cogtseg rua cov  
kws hhub Nwg. Ces Yexus muab ib  
lub ncuav hab ib lub khob rua puab  
sibfaib noj. Cov nuav yog ua chaw  
ncu txug Yesus  
lub cev hab cov  
ntshaav kws nrug  
sub txhaj muaj  
kev zaamtxim rua  
kev txhum.



Ces Yexus qha Nwg cov phoojywg has tas yuav muaj tug ntxeev sab rua Nwg hab puab yuav tsiv taag huv tuabsi. "Kuv yuav tsi tsiv moog le," Petus has khovkho. "Uantej qab qua, koj yuav tsi leeg paub Kuv peb zag,"

Yexus teb.





Mo ntawd, Yexus moog  
thov Vaajtswv huv lub  
Vaaj Kexemanes. Cov  
thwjtim kws nrug Nwg  
moog tsaug zug taag.  
"Aub Kuv Leejtxiv,"  
Yexus thov, "...Ca lub  
khob nuav dlhau Kuv  
moog. Txawm le caag  
los, tsi xob ua lawv le  
Kuv tug dlejsab, tabsis  
ca ua lawv le Koj tug  
dlejsab."



Taamsim ntawd ib paab tuabneeg coob  
coob taugkev tuaj rua huv lub vaaj,  
Yudas ua tug coj. Yexus tsi  
tawmtsaam le, tabsis Petus  
txav ib tug txivneej lub  
pobntseg tu. Yexus ua  
twbywv kov tug txivneej  
lub pobntseg hab khu  
nwg zoo. Yexus paub  
has tas qhov puab nteg  
Nwg nuav yog Vaajtsvw  
tug dlejsab.



Paab tuabneeg coob coob coj Yexus moog rua tug  
povthawj hlub lub tsev. Nyob rua tod, cov Yudas  
cov thawjcoj has tas  
Yexus tsimnyog tuag.  
Nyob ze ntawd, Petus  
nyob ib saab ntawm  
cov tubkhai cub  
suavtawg  
hab zuv.





Tuabneeg saib ntsoov Petus hab has peb zag has tas, "Koj nrug Yexus!" Petus tsi leeg paub peb zag, ib yaam le Yesus has uantej lawm tas Petus yuav ua. Petus tseem twvntuj kuam foom tsi zoo hab.



# KHAB-KA-DUB DUM-DUS

Taamsim ntawd, tug  
qab qua. Nwg zoo le  
Vaajtsvv lub suab rua  
Petus. Petus ncu txug  
Yexus cov lug, Petus  
quaj tu sab kawg le.





Yudas tu sab, kawg le hab.  
Nwg paub has tas Yexus  
yeej tsi muaj kev txhum  
lossis ua phem. Yudas  
coj 30 npib nyaj rov moog  
tabsis tug povthawj hlub  
tsi kaam txais.





Yudas muab cov  
nyaj laim rua huv  
aav, tawm moog  
- hab moog dlai  
nwg tugkheej.








Cov povthawj hhub coj Yexus tuaj cuag Philaj, tug tswvxeev Loos. Philaj has tas, "Kuv tsi pum tug txivneej nuav muaj ib qhov txhum le." Tabsis paab tuabneeg coob coob pheej quajqw has tas, "Muab Nwg ntsa sau ntoo khaublig! Muab Nwg ntsa sau ntoo khaublig!"



Thaum kawg Philaj ua tsi tau le caag, hab txavtxim muab Yexus moog ntsa rua sau ib tug ntoo khaublig. Cov tubrog ntaus Yexus, ntu quavncaug rua Nwg lub ntsejmuag, hab nplawm Nwg. Puab muab xuavpaug lug ua ib lub mom hab muab looj rua Nwg lub taubhau. Ces puab muab Nwg ntsa rua ib tug ntoo khaublig kuam Nwg tuag.



Yexus yeej paub lawm has tas Nwg yuav tuag le nuav. Hab Nwg paub has tas Nwg txuj kev tuag yuav zaam tau cov tuabneeg txhum kws tso sab rua Nwg. Muaj ob tug tubsaab raug muab ntsa nrug Yexus ib saab. Ib tug ntseeeg Yexus - hab tau moog nyob ntuj ceebtsheej. Tug saab tod tsi tau moog.



Ntau teev tomqaab kws  
Nwg raug txomnyem heev,  
Yexus has tas, "Tav  
lawm luaj," hab tuag  
lawm. Nwg teg  
dlejnum tav  
lawm.



Nwg cov  
phoojywg coj  
Nwg lub cev  
moog faus rua  
huv ib lug  
qhvontxaa.




Ces cov tubrog Loos leem  
lub cim rua hab zuv lub  
ghovntxaa. Tsi muaj  
leejtwg moog tau  
rua huv - lossis  
tawm huv lug.



Yog zaaj nuav xaus le nuav  
xwb, ces yog ib qhov tusab  
heev. Tabsis Vaajtsvw  
ua ib yaam tshwjxeeb  
heev. Yexus tsi  
yog tuag ces  
taag le  
ntawd!



Thawj nub ntawm lub limtam  
thaum sawv ntxuv ntxuv,  
Yexus ib cov thwjtum pum  
dlaim laag zeb kws npug  
lub qhovntxaa muab  
dlov tshem lawm.  
Thaum puab moog  
saib huv, Yexus  
tsi nyob huv  
lawm.



Ib tug quaspuj nyob ntawm lub  
ghovntxaa quaj quaj. Yexus  
tshwm lug rua nwg pum! Nwg  
dlha zoo sab hlo rov moog qha  
cov thwjtum. "YEXUS MUAJ  
TXUJSA NYOB! YEXUS  
SAWV HUV QHOVTUAG  
ROV LUG  
LAWM!"



Tomqaab Yexus lug ntsib cov thwjtim, hab  
muab Nwg tej qhov ntsahlau qha rua puab.  
Muaj tseeb le ntawd. YEXUS ROV MUAJ  
TXUJSA NYOB LAWM! Nwg zaamtxim  
rua Petus kws tsi leeg paub Nwg, hab qha  
kuam Nwg cov thwjtim moog qha txhua leej  
txhua tug txug Nwg. Ces Nwg rov moog  
sau ntuj, qhov chaw kws Nwg nqeg  
lug yug thawj zag.



Thawj lub Koomtsheej Yexus Sawv

Ib zaaj huv Vaajtswv Txujlug,  
phoo Vaajlugkub,

yog nyob rua huv

Mathais 26-28, Lukas 22-24,  
Yuhaas 13-21

“Lub chaw rua Koj cov Lug nkaag kws muaj  
teeb ci.” Ntawv Nkauj 119:130





Qhov Xaus



Zaaj Vaajlugkub nuv qha peb txug peb tug Vaajtsvv  
zoo kawg nkaus kws tsim peb hab Nwg xaav kuam koj paub Nwg.

Vaajtsvv paub has tas peb tau ua ntau yaam phem, kws Nwg hu ua kev txhum. Txuj kev rau txim rua kev txhum yog kev tuag, tabsis Vaajtsvv hlub koj kawg le kws Nwg xaa Nwg tuitableeg Tub, Yexus, lug tuag sau ib tug Ntoo Khaublig hab raug rau txim hloov koj txuj kev txhum.

Tomqaab ntawd Yesus sawv rov lug muaj sa hab rov moog nyob nwg lub tsev sau Ntuj Ceebtsheej! Yog koj ntseeg Yesus hab thov kuam Nwg zaam koj tej kev txhum, Nwg yuav ua le ntawd! Nwg yuav lug nyob huv koj taamsim nuav, hab koj yuav nrug Nwg nyob moog le ib txhis.

Yog koj ntseeg has tas nuav yog qhov tseeb, ha le nuav rua Vaajtsvv: Aub Yesus, kuv ntseeg has tas Koj yog Vaajtsvv, hab lug yug ua ib tug tuabneeg lug tuag hloov kuv tej kev txhum, hab nwgnuav Koj tseem muaj sa nyob. Thov Koj lug nyob huv kuv lub neej hab zaam kuv tej kev txhum, sub kuv txhaj le muaj txujsa tshab taamsim nuav, hab ib nub moog nrug Koj nyob moog ib txhis. Thov paab kuam kuv noog Koj lug hab ua neej rua Koj le Koj tug mivnyuas. Amees.

Nyeem phoo Vaajlugkub hab nrug Vaajtsvv sibthaam txhua nub!  
Yuhaas 3:16

